

Rujukan Kami : JAIS/KIM/LAK/700-32/2 (1)
Tarikh : 12 Januari 2026

**SEMUA PENERUSI LEMBAGA AMANAH KHAIRAT
SELURUH SARAWAK**

السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

Yang Berbahagia Datuk/ Datu/ Dato/ Tuan/ Puan,

**PEKELILING HAL EHWAL LEMBAGA AMANAH KHAIRAT BIL.1/2026: ORDINAN
AMANAH KHAIRAT, SEKSYEN 6, 1994 – SENARAI HARTA DAN PENYATA-PENYATA
AKAUN LEMBAGA AMANAH KHAIRAT**

Dengan segala hormatnya saya ingin menarik perhatian Yang Berbahagia Tan Sri/ Datuk/ Datu/ Dato/ Tuan/ Puan mengenai **Seksyen 6, 1994 – Senarai Harta Dan Penyata-Penyata Akaun** yang dikepilkkan bersama.

2. Sehubungan itu, pihak Jabatan Agama Islam Sarawak memohon perhatian pihak Yang Berbahagia Tan Sri/ Datuk/ Datu/ Dato/ Tuan/ Puan untuk menghantar senarai harta dan penyata kewangan Lembaga Amanah Khairat setiap tahun **pada atau sebelum 31 Mac** kepada pihak kami di alamat berikut:-

Pengarah

**Jabatan Agama Islam Sarawak
Aras 17, Bangunan Majma Tuanku Abdul Halim Muadzam Shah
Off Jalan P. Ramlee, 93400 Kuching
Tel: 082507105 Faks : 082507241**

3. Atas perhatian dan kerjasama Yang Berbahagia Tan Sri/ Datuk/ Datu/ Dato/ Tuan/ Puan, pihak Jabatan merakamkan setinggi-tinggi penghargaan dan didahului dengan ucapan terima kasih.

Sekian, Wassalam.

"ISLAM AMALAN HIDUP"

"BERSATU BERUSAHA BERBAKTI"

"AN HONOUR TO SERVE"

Saya yang menjalankan amanah,

(HAJI HAZIMIN SHAKIR BIN SAID)

b.p Pengarah

Jabatan Agama Islam Sarawak

s.k Semua Pegawai Agama Islam Bahagian: **Mohon dipanjangkan pekeliling ini kepada semua Lembaga Amanah Khairat di bahagian masing-masing.**

(e) dia tidak ada di dalam Negeri selama tempoh terus-menerus yang melebihi dua belas (12) bulan; atau

(f) Menteri berpendapat bahawa orang itu telah gagal menunaikan kewajiapn-kewajipannya sebagai pemegang amanah oleh sebab dia gila, sakit atau kerana apa-apa sebab lain yang kukuh.

(5) Jika berlaku apa-apa kekosongan dalam mana-mana Lembaga disebabkan:—

(a) kematian;

(b) pemecatan, menurut subseksyen (4); atau

(c) perletakan jawatan,

mana-mana daripada pemegang amanah, maka Menteri boleh melantik mana-mana orang lain sebagai pemegang amanah untuk mengisi kekosongan itu.

Prosedur

5.—(1) Prosedur bagi mesyuarat-mesyuarat Lembaga dan pentadbiran mana-mana amanah khairat hendaklah mengikut peraturan-peraturan yang ditetapkan dalam Jadual.

(2) Yang di-Pertua Negeri boleh melalui peraturan-peraturan yang dibuat di bawah seksyen 18 meminda Jadual.

Senarai harta dan penyata-penyata akaun hendaklah disimpan dan dipamerkan

6.—(1) Tiap-tiap Lembaga hendaklah mengemukakan kepada Menteri dengan menggunakan Borang yang diluluskan oleh Menteri, pada atau sebelum 31 haribulan Mac setiap tahun atau dalam apa-apa tempoh lanjutan sebagaimana yang dibenarkan oleh Menteri secara bertulis—

(a) satu senarai semua harta yang tertakluk kepada badan amanah khairat dengan butir-butir penuh mengenai apa-apa harta

yang diterima, diperolehi, dilupuskan, dipajakkan, disandarkan atau digadaijanji sepanjang tahun lalu;

(b) penyata-penyata akaun badan amanah khairat, yang sempurna ditandatangani oleh Pengerusi dan Bendahari Lembaga bagi tahunan kewangan terdahulu daripada tarikh pengemukakan Borang tersebut kepada Menteri; dan

(c) butir-butir mengenai apa-apa perubahan tentang alamat berdaftar badan amanah khairat itu.

(2) Senarai harta dan penyata-penyata akaun itu hendaklah dipamerkan di tempat yang mudah kelihatan di alamat berdaftar badan amanah khairat itu.

(3) Menteri boleh melalui notis bertulis yang dihantar kepada Lembaga di alamat berdaftar itu menghendaki Lembaga supaya memberi kepadanya apa-apa maklumat, dokumen atau butir-butir lain yang berhubungan dengan badan amanah khairat itu atau hal-hwalnya.

(4) Mana-mana orang yang gagal mematuhi peruntukan-peruntukan seksyen ini adalah melakukan suatu kesalahan. Penalti, denda lima ribu ringgit dan penjara dua tahun.

Kuasa-kuasa dan tugas-tugas Lembaga

7.— (1) Lembaga boleh, tertakluk kepada syarat-syarat dan arahan-arahan yang terkandung dalam perisytiharan yang dibuat di bawah seksyen 3, bagi maksud atau faedah sesuatu badan amanah khairat yang ditadbirkan olehnya —

(a) menerima, memperolehi, menyetuju-terima, membeli, memegang dan mengurus mana-mana harta, alih atau tak alih, tertakluk kepada badan amanah khairat itu;

(b) memperbaiki, mengubah, mengubah elokkan, menambahbaik, atau membina semula mana-mana premis di atas tanah kepunyaan badan amanah khairat;

(c) melaburkan apa-apa wang dalam apa-apa pelaburan dibenarkan sebagaimana yang ditentukan oleh Lembaga;